

國清百錄卷第四

隋沙門灌頂

弊十

勅度四十九人法名第八十九

國清寺衆謝啓第九十

勅報百司上表賀口勅第九十一

口勅施幡第九十二

勅造國清寺碑文第九十三

玉泉寺碑第九十四

後梁主蕭琮書第九十五

前陳領軍蔡徵書第九十六

長安曇暹禪師書第九十七

尊因寺惠畗等致書第九十八

荊州道俗請講法華疏第九十九

蔣山棲霞寺保恭請疏第一百

松書監柳顧言書第一百一

吉藏法師書第一百二凡三

吉藏法師請講法華經疏第一百三

智者遺書述放生池第一百四

勅度四十九人法名第八十九

皇帝勅皇帝敬問括州國清寺沙門智越法

師等僧使智璪至得書具至懷天台福地實爲勝境所以敬爲智者建立伽藍法緣既深尊師義重欲使宗匠遺範奉而弗墜菩薩淨業久而彌新然則去聖久遠學徒陵替規求利養不斷俗緣滋味甘腴違犯戒律此乃增

長罪垢豈謂福田師等雖有爲法求無上道棄俗諸漏鑑在雅懷由須獎訓未學修淨行俾夫法門等侶咸歸和合諸佛禁戒畢竟遵行又此寺嘉應事表先覺旣理由冥感即號國清寺并有施物用申隨喜冬序甚寒道體

清豫朕巡省風俗爰届江都瞻望山川載深夢想故遣兼通事舍人盧政力往指此不多其使人盧政力到寺宣勅賜寺物大業元年十一月二十九日勅度四十九人出家熏陸香二斛築四周土牆造門屋五間設一千僧

雜十

齋物二千段米一千斛柱國內史令莒國公臣未上大都督兼內史侍郎臣虞世基大都督朝散大夫兼內史舍人臣張乾威勅度四十九人出家剃落竟使人令僧作決名灌頂奉僧令依六事立名使人錄奏瑞相感徹應

驗光昇右八名依國清瑞悉用靈字標首寂
靜真實空如迹乘右八名依出家事悉用道
字標首由戒定慧眼智開覺右八名依設齋
事悉用淨字標首命力辯喜安住堪樂右八
名依賜米事悉用惠字標首基業宗本因果
儼淨右八名依修治事悉用正字標首彷妙
德願遵普賢行右八名依勑誠事悉用私字
標首最後一人呼爲吉祥

國清寺衆謝啓第九十
天台山國清寺沙門智越一衆啓兼通事舍

人盧政力至奉宣十月二十九日勅云天慈
訓誨齋寺瑞名施物二千股米一千斛熏陸
香二斛千僧法齋度四十九人出家修治寺
宇即集衆燒香宣唱仰惟聖治德合乾坤子
養萬邦安撫四海助佛教化度脫衆生光大
之恩誠無等等越等雖披法衣行不稱照乃
辨十侍先師每乖宗範日夜克責無地啓處伏奉
勑旨頂戴受持但凡庸小劣不識菩薩大智
昔陳世之時親聞師說三國爲一有大力勢
人當爲造寺寺若立國土即清必爲國清寺

千時草書未一不識何言自爾以床廻疑弗曉奉勑齋寺國清之名還俗本瑞山僧山民載欣載喜始知諸願菩薩更相啓發或作五品或統萬機光顯三尊利益國土慶此含情幸聞休瑞仰瞻寺額即如悟道但慈恩普被日下同霑而天台一方偏感弘澤名衣上服相次光臨妙物梗糧前後降集越等三學無功一餐難受況米物盈積豈可恭弘深懼不堪慮延罪過庶藉慈宥展竭愚誠奉酬宸極但天台幽遠自昔以來單權獨行今泰平在

運國清寺立四十九人一日出家髮落障消實爲希有異其心力增進學行日新念念功熏奉資皇國又千僧結齋凡聖雲集日色華朗僧徒欣戴仰惟先師妙德不可思議感應神通必當鑑降午後對使人開發靈龕希有聖瑞備是使人等公私道俗共見超等悲喜交至謹以啓知謹啓大業元年十一月二十四日括州國清寺沙門智越等啓勅報百司上表賀口勅第九十一使人盧政力還奏開先師龕墳不見舍利又

上行狀一卷

百司並賀勅語諸公云智者是

我菩薩戒師先多靈異恒語我云必若得道

得道之後擁護國土利益蒼生至於涅槃坐

於石室容範不變我以仁壽元年遣張乾威

往看儼然如舊昨更令盧政力往親開龕門

弊十

四

閉塞無有聞迹遂不見靈體既已變化得道

非虛擁護利益之言必應無爽今有行狀一

卷諸公等共觀之諸州考使各寫一通還所

部流布

勅施幡第九十二

僧智璪以三年二月二十七日引入殿內辭

口勅賜幡一千二十五張

勅造國清寺碑文第九十三

天台國清寺智者禪師碑文

隋兼校書監真內史省開府儀同三司臣柳頤言奉勅撰

臣聞在天成象經緯之法仔焉在地成形區
方之均倣矣二儀既爾三才固然上聖纘極
明王所以敷敎先覺授道契會方乃昇仙是
故命駕空峒紓光善卷鑑圖宣業赤誦弘風
練質九府之間騰虛六合之內斯短權宜級

引暫保逍遙終覆蔽於苦空卒遭迴於生死
未臻夫不生不滅無去無來匪實匪虛非如
非異常樂我淨凝寂恬愉不可思議之解脫
也粵若我大隋皇帝法諱總持載融佛日瑞
發淨宮利見法王應闍浮主以封唐入紹業
卷十
繼高辛立聖與能祚隆姬發自天攸縱包大
德而翼小心希世膺期內文明而外柔順知
微知彰鑑窮玄覽迺武迺文能事斯畢自永
嘉失馭海內分崩恃險擅強名樹君長禮樂
淪於非所龜玉毀於殊方書軌競分殆三十

紀天將悔禍稔惡有辰皇上道謁汾陽迹光
代邸地隆分狹神功潛著于時高廟靈謨深
思統壹專征仗鉞帝曰斯哉惟君惟親知臣
知子乃揚威萬里問罪九伐一舉而定江左
再駕而潛餘燼浮天爭貢海外有截雖咎禹
之備五臣周旦之居十亂本支盛績疇昔多
慙盤石究勲莫不倣是三能宗鉉九命惟揚
本之以仁慈施之以聲教行之以要道體之
以無爲姑射杳然尚想淵臚滄波壯矣思濟
舟航以爲能仁種覺降茲忍土信相入道淨

戒居先梵網明文深傳薩埵國師僧寶必兼
禪慧有會稽天台山大禪師者生而神光照
室兩目重瞳禪師法諱智顥潁川陳族太丘
道遠季伯風延典午袞亂播遷華容父起祖
梁使持節散騎常侍封益陽縣開國侯禪師
風彩超悟齟齬希有年過少學便誦法華父
爲求婚方便祈止儒門史館多所著明柱下
濠上彌所深得諸宮覆沒便即蔬菲及啓弱
冠於長沙之果願寺出家護戒如明珠安心
若止水歷聽經論但使一聞得之於心傳之

于口以湘潭局狹未發大機拂跡衡陽安步
墳汝往大蘇山請業慧思禪師禪師見便歎
曰憶昔靈鷲同聽法華今進我普賢道場爲
說西安樂行停二七日誦藥王品至諸佛同
讚之句寂然入定明慧便發起而白師師曰

第十一

非爾弗感非我莫識所入定者法華三昧之
前方便及聞持陀羅尼也縱令文字之師千
羣億品尋汝慧辨所不能窮於說法人中最
爲第一嘗約仁王纓絡龍樹馬鳴立三觀四
教述師本宗以爲大乘樞鍵得下御內碩學

流通智以藏徵徽育王之建正教神以知來
鑑周武之滅大法乃高蹈豫土翔集天台歷
遊名山言造廬嶽秦孝王作鎮淮海遣信迎
屈對使者曰雖欲相見終恐緣差即累旬大
風妖賊競起水陸俱阻安坐匡岫旣而龍旂
龕難仍代孝王爰屆邦域潔誠延請順流背
風數日過到亦旣覲止便定師資等善意之
仰妙光若高宗之得傳說再三固辭無可與
讓以開皇十一年歲次辛亥月旅黃鍾二十
三日辛丑於揚州大聽寺設無礙大齋受

菩薩戒法降牧伯之尊由宗師之典釋龍袞
而披忍服去桓珪而傳戒香圓發初心致禮
諸佛於時天地交泰日月載華庭轉和風空
浮休氣林明七覺之華池皦八淨之水化覃
內外事等阿輸之城教轉法輪理符寶冥之
窟文武察案俱膺慈雲欣欣焉濟濟焉肅肅
焉離塵焉經所謂攝律儀戒攝善法戒攝衆
生戒顯發三願真正十受如一切色悉入空
界者其斯之謂歟法事云畢七珍備捨出居
七于城外禪衆之精林四事供養膚情猶疑未

滿以爲師氏禮極必有嘉名如伊尹之曰阿
衡呂望之稱尚父檢地持經智者師目謹依
金口虔表玉裕便克良辰躬出頂禮雖有熊
之登具茨漢文之週河上方之蔑如也智者
以內行外獎諸佛之深訓實慧方便大士之
兼通帝釋檀那旣包信解仁王攝受遠能博
益遂廵告退言歸舊山殷勤請留重違高意
猶四皓之餌木南山二疎之散金東海振錫
離塵始稱出世晤言儒者未足爲榮竊以四
明天台剝東玉岫兩謠雲嶠鄞南之金庭峻

極于天仰捫白日盤鎮于地俯鏡滄海雲霞
沆瀣霏拂輕襟虹霓駕鸞勝承飛鳥華果競
發常迷四時藥草森羅孰分億品道猷徃而
證果興公賦不能申寺基本屬始豐峯名佛
隴元有定光禪師隱顯變現先居此峯常謂
弟子云不久當有勝善知識將領徒衆俱集
此山俄而智者越江渡湖翻然來萃忽聞鍾
磬聲振山谷即問光師聲之所以答云此是
犍追集僧得住之相頗憶曾經舉手相引時
不智者即悟年至十五稽額禮佛恍焉如夢

見極高山臨大海曲有僧如今光師舉手接
上云汝當居此處汝當終此焉拜言悲喜滂
沱涕泗仍於佛隴之南尋行寺域便見五峯
圍遶等耆闍之山兩溪夾瀉若縉雲之澗披
榛開途葺用茆茨功德叢林常蕙蒼葛忍辱
第十一

牆院無勞關捷緩嘯蛤吟泉籟響雜飛走聽
法馴伏軒墀西南有永豐江派與淛源分嶺
至入京省謁旋邁江都登命舟檝迎來鎮所
使乎至彼便事裝束謂大眾曰在上意重弗
敢致辭然往而不返因此長別語弟子云當
成就隴南下寺其堂殿基址一依我圖侍者
答云若無師在豈能成辦重謂之曰當有皇

太子爲我建造汝等見之吾不見也行百餘里到斜東之石城寺寺有百尺金績石像梁太宰南平元襄王鑄創自有靈迹因此現疾九右脇而卧忽然風雲變色松桂森聳宛如天樂來入房戶起坐合掌神色熙怡顧侍者云觀音來迎不久應去弟子智朗請曰佛許聖賢臨終說位行得乞垂曉示方思景慕答云我只是五品弟子位耳案五品即是法華三昧前方便之位宛與恩師昔語冥一仍命筆作偈口授遺書辭理切詣深陳勝緣潛來密

往誓當影護爲撰淨名義疏一部俱時送來仍索僧伽梨大衣手自披著迴身西向端坐遷神春秋六十旬日建齋跏趺流汗珠圍髮際露彌首間欲示諸法本自不生今則無滅繩牀與還佛隴輕舉有若浮空爾時開香龕都不異昔驛使初計震動于宸心爰捨淨財隨申功德郵傳相望創起塔廟寺雖本地其舊維新瓊宇紺堂憑國靈而摸忉利鷲頭狼跡因寂默而爲道場班倕名匠競逞鉤綸庶民子來成之不日神明扶持歎同踊現背高

就下即崇嶽而基殿堂仰眩俯臨信玲瓏而
勝畫續多寶分座俱受瓔珞天冠表刹如連
梵幢金函玉牒常敷講肆禪誦律儀無違師
法斯可謂頭陀之極地彌陀之淨方與阿耨
而常盈同須彌之永固暨乎重光纂曆天成
地平以今大業元年九月鑾輿幸巡淮海朕
囑江南惆悵台獄集揚州名僧咸問之曰智
者立寺權因山名宜各述所懷朕當詳作累
日未奏會寺僧智璪銜狀而來具條昔年先
師國清之稱太史案此語時代乃周建德之

初八表未同三方鼎峙今四十餘年聖證縣
符明時徵應詔付著作書之左史仍勅皆稱
篆題寺門即遣舍人送璫并施基業赴十一
月二十四日先師忌齋使乎集僧跪開石室
唯見空牀虛帳蘚苔蜘蛛網法侶號咷等初滅
度公私扼擊若無瞻依又法會千僧各有簿
籍造齋點定忽盈一人有司再巡還滿千數
及臨齋受輓復成千一執事驚愕出沒難辨
豈非先師化身來受國供王臣返命具奏一
條當辰晦容深洞靈跡百司拜賀四海馳聲

至矣哉象法永淪佛種常續迺聖幾感大師
應變妙力難思神圖方永祥基瑞國雜沓歲
蕤煥乎斯之盛者也昔金龍尊王讚佛功德
寶積長者獻蓋稱揚范武子聲由在民藏文
仲言垂不朽矧乎道樹勝由師門福地而建
崇雲碣表際金剛俾命絲綸織載辭理若天
記言記事史官之成則散華貫華法藏之鴻
演敢重述宣廼作頌曰

龍圖畫卦裁萌五典金輪拯溺止弘十善
豈若我皇樹功宏緬還源本淨歸途今顯

鏡鑑先哲筌蹄何淺天造草昧日月斯昇
高山巨海或影或澄虎肅風起龍躍雲興
至人幾漸眷正遵承謙尊本裕師範推膺
隻誰允矣具瞻克勝熏禪觀寂如冬靖凝
精義泉涌如春泮冰我有匠石正直從繩

第十

我有津濟舟楫斯憑虔臨拳拳悅受兢兢
能資萬行混成一乘六反震動十方歎稱
同聲相應信而有徵至誠感神道合符契

淵乎智者波瀾靡際帝師旣沃天台還憩
于山之阿于川之澨滄溟浩瀚峯崖迢遞

日浴扶桑月穿叢桂上躋婺采傍通禹計
素湍風激赤城霞曳仁智肥遯山林鶴蔽
無言不酬既符聲響無德不報有均景象
初上菴蘿歸誠懲仰顯允光師久要長往
非皦若昧鏡形如曩寺號國清靈扉潛敞
孰意我師遽緣安養龍樓夙記鵠關無爽
宸居在昔哀構祇園令終如始師嚴道尊
揆日方晝覩星正昏置弊崇趾削屢成垣
巖分蓮萼泉毖桃源仙窓夏冷禪室冬溫
玉階馴豹金刹棲鴉風和寶鐸空轉珠幡

百穀時秀萬果林繁靈芝禪悅甘露天鑄
玉趾按地淨域驚魂金布貿苑天宮儼存
創造之福胡可勝原輪奐洞徹莊嚴修設
波斯融冶優填劙勗金容月滿玉毫霜潔
象譯翻度龍宮披閱法嗣訖然端心障滅
泰階旣平王道旣清殊途同致無慮何營
皇思睿贊邃達忘情有本空淨空常有并
壇戒度重定慧真精乾臨朗鑑遠供憑誠
大眾香灑拜闕龕楹全身座間嚴扃綱縈
迦葉佛隴賢劫齊聲飯僧數溢瑞我隆平

身田雨潤心樹華榮現在同植將來共成
有如懸鏡反照今生有如圭臬曾不虧盈
神力自在遊戲香城菩提具足赫赫明明
玉泉寺碑第九十四

當陽縣令皇甫毗撰

蓋聞乾元資始三辰著象于天坤道資生萬物動形于地皇王於是建國賢聖所以垂文起名教而莫同制威儀而有別至如畫卦觀爻蓋取隨時之象綜經織緯會通爲政之辭大禮同和大樂同節安上治民移風易俗斯

序十

十一

迺生前之事略矣可言死後問知仲尼弗語縱使絳雪繁空玄霜拂樹餌金丹而九轉吞玉髓而千年乘雲也駕九色之玄龍游漢焉控三山之素鵠逍遙瑤臺之上容與琳闕之間未窺解脫之門終趣蓋纏之境唯正覺淵冲真如妙有不生不滅無相無言隨緣應質則假色成形隨類觀音則因聲示說故有白銀千尺之體紫金丈六之身八部般若之文四種悉檀之義神通自在慧力無窮因導化行開示悟入歸依者盡發菩提迴向焉普登

常樂是以獮猴建塔遂生忉利之天野鴈銜
華復往彌陀之國豈直日藏沙門孤游正道
月光童子獨見如來四生因茲度脫六道藉
此昭蘇寶火宅之高車昏河之大筏若乃周
室昭王之世影奪恒星漢朝明帝之時光夢

禁十

十三

如日使旋西寓化漸東都置像南宮申心北
面自摩騰入洛羅什游秦名教更弘道風斯
熾經臺像閣寶塔香山麗溢巖阿綺盈都邑
豈期後魏真君之歲後周建德之年靈廟一
除伽藍再滅形容廢毀文字散遺響落瓊鍾

聲沉寶鐸修禪耆舊卷其舌而不談護戒先
賢改其形而晦影世絕調心之路時虧沒引
之途無出世之津梁失生民之大望我大隋
皇帝乘乾御宇握鏡披圖父愛蒼生君臨赤
縣天地同其大德日月合其重光鼓之以雷
霆潤之以風雨除暴亂致太平張四維朝萬
國功成作樂治定制禮正道無爲區寰有截
闢泥洹之路開般若之門宣十二分之經流
四千年之法精勤耆舊又捨俗歸僧淨住初
童持心秉戒非直法輪再轉法鼓還鳴四海

於是無虞兆民同而有賴委羽乘毛之國慕風化以來庭靈禽嘉覩之祥應圖書而萃苑巍巍也非境智之思量蕩蕩乎豈言談而能盡玉泉寺者基此山焉智顥禪師之上居也勑旨正名著額其山嵬峯巒峩嶠嶇嶈峯

疑偃蓋巒似覆船巨力窮奇之象洪崖謫詭之形崗曲抱而成垣水萦迴而結乳青楓動葉遠照金霞翠柳搖枝低臨玉沼緩吟白雲之上鶯啼碧樹之間日月爲之蔽虧霄液由之散聚前瞻江路郤望荆岑左帶昭丘右通

巴峽禪師本姓陳氏穎川人也少稟生知童真剃落從師南嶽蘊道天台睿智洪才之響非直播於江南知機妙辯之聲固亦聞於河明皇帝外子太尉公晉王性稟孝慈情包隱惻能臣能子匡國匡家蘊機神之智垂況愛

李十

十四

之心布君子之風偃生民之草徃以僞陳納叛受律行師策妙指縱威稜江海遂剋定金陵化平銅柱三吳霧卷百越塵清師乃因王利涉王遂因師受戒師至此而頭院王奏聞而起寺於是異域才情之客慕其道而雲臻

他鄉鍊行之僧味其風而雨集師乃精言導理盡意談玄語證禪支心開定本幽宗博義若挹海而無窮辯句清辭似懸河而自瀉居朋之友雖盈量而爭歸處少之徒從窮崖而莫反爾乃信心檀越積善通人咸施一材俱投一瓦憑茲衆力事若神功營之不日而成飾矣經時而就層臺迥閣複殿連房寒暑異形陰陽殊制雕簷繡拱與危岫而爭高鑿礎銅基共巖巖而等固風光出其戶牖雲霧生其棟梁華炫耀於金盤氣芬芳於玉樹工圖

相好湛若金山匠寫真容凝如滿月殿起三層之柱懸於自響之鐘堂開千葉之華蓮捧飛來之座燈光不滅灌海踰明利柱俱低承懶自舉吉祥柔滑之草爛熳依庭逆風和氣之香氛氤滿院斜通洞穴直注凝泉色似瑠璃味同甘露波投罿霏浪瀉階堂飲腹消痾澆軀愈疾石柱銅樑之狀影入蓮池桃源菊浦之華香浮柰苑可謂山類普闍寺同離越似龍宮而出現疑鹿野以飛來竊以前王鑿龜唯論體國之功今共刊碑永記菩提之道

等

十五

余任宰屬城寺居山部文雖寫意書不盡言
其詞曰

二儀開廓 四氣氣氤 方以類聚 物以羣分
通賢通聖 明后明君 隨機設教 觀化垂文
樂章既造 禮儀方制 定彼親疎 決茲疑滯
披圖辨物 屬辭明例 唯化一生 不論三世
玄都玉簡 紫闕銀經 解尸遺骨 飲液吞精
乘龍萬紀 控鵠千齡 終非實相 猶是塵情
唯有大雄 湛然常住 不生不滅 無來無去
千門妙旨 一音演諭 度脫衆生 涅槃雙樹

夢通劉后 感應姬王 恒星掩耀 滿月澄光
寫形東國 指聖西方 慈悲願海 善逝津梁
法顯還晉 摩騰入洛 華散經臺 香流像閣
釋教鬱起 桑門盛作 露滋珠幡 風吟寶鐸
真君建德 運鍾滅道 淪沒四生 毀除三寶
我皇啓聖 德侔蒼昊 妙法更弘 真儀再造
陳氏僭號 王赫斯征 勾吳霧卷 闢越廓清
因逢智者 延謁山庭 珠生浮漢 玉出深荆
華峯嶂屹 石洞淵懸 芬芳菊浦 滴瀝瓊泉
盤迴似谷 覆嶺凝船 來儀宴坐 繆地蕭然

妙辯悉檀深窮般若 繪素雲會挹其河濁
或施之材或投之瓦 經始不日翻成大厦

更起龍宮還開鹿野 山連紫蓋江抱黃牛

西臨月峽東接昭丘 梅檀圍繞琳碧環周
第十一春牕夏牖水殿山樓座吐芙蓉龕懸石鏡

白毫相好紺髮輝映銀鸞徘徊錦鱗游泳
騰猴心靜怖鴻影定猗歟哲王命也蕃屏

自天生德孝誠俱秉一旦喪非儔間平詎並

出總連轡入調鍾鼎構此伽藍實資力請

魔殿礪壁須彌鬱律倏覩劫終俄看燒訖

豈如彼岸生死皆出金石不朽天地可畢
鐫勒岩阿永垂懋實

後梁主蕭琮書第九十五

遠欽高風未獲展侍慚然西顧以日易年承
遊止玉泉創構坊宇名僧雲會問道遠集山
林佳勝有助禪悅即事倏然風雲永歎涼暑
珍蓄續附承修神足今還敢申訊謁信譯有
會方願祇承蕭琮和南

前陳領軍蔡徵書第九十六

自江東拔破弟子前預送京不獲虔禮于茲

五載丹誠懇結豈筆札所宣山川永遠無因
諮詢遠師奉命爰到闕廷天子降情君主殊
遇新故崇待南北傾心可謂使乎使乎仲尼
是以興歎仰陳勝託有慰延欽天高氣清願
道體康愈接真千仞寂慮四禪梁穗煙雲餐
悅法喜固非世俗之徒所能稱讚徵年衰事
十七
迫可以意求弟姪兒孫隨時過日撫塵擊壤
用畢餘齡既達於窮通之數亦不常以賤貧
自恥但觀奉脩然實增馳歛伏願珍重繼復
下承脫值行人賜訪存沒開皇十三年九月

十七日前陳侍中安右將軍中書令領軍將
軍南雍州大中正新豐縣開國侯弟子濟陽
蔡徵稽首和南

長安曇暹禪師書第九十七

開皇十三年九月十三日京師興國寺曇暹
和南天台山禪師足下仰惟聲高道邁疑和
上之來儀德遠智深想彌天之再託言思頂
禮申接足於丹誠佇望東山戀光儀之若渴
時來寒重願善起居衆生難調化弘勞念仰
承遠遊荆鎮利物弘多接思青溪足暢懷抱

真德光迴被用展翹誠化導周行蒙沾勝益
願珍道德續結祇承謹和南率奉醍醐願領
微意

導因寺惠虫等致書第九十八

竊以妙理冲玄陽言象之外應機濟物寄真

俗之談自鵠樹潛儀金棺晦迹微言託於傳
授密教假於弘通故有五種法師四依開士
邇後連踪繼跡數百年中雖復慧炬潛輝而
法流恒鴻加以專思碩學並願盡性窮源然
性不可窮源何易盡鹿羊之文既惑免馬之

說猶疑若不假以大心終歸永蔽仰惟禪師
盛德清高跨衆流之表奇才內容越詞人之
上雖不衣錦還鄉且見懷珠反本屬以天清
地肅王道康夷四衆傾心民庶欣仰各願諮詢
受咸思採聽幸以慧雲之潤忘祕恠於未聞

師子之音廣宣揚於渴仰暫移狼迹之步權
啓滅定之門俯就群心哀憐祈請書云朝聞
第十一
夕殞法說一句染神必不累月經年繁勞視
聽庶曾聞一寶者決了衣珠未發菩提心並
知迴向賢愚喜躍凡聖歡愉豈不弘法棟梁

舍生舟楫不任引領謹遣十住寺臻法師歸
依座下普述衆心鵠望泉涌之資側遙洪鍾
之響輒以塵聞咸懷喜躍

荊州通俗請講法華疏第九十九

導因寺東巖菩薩戒弟子陳子秀等稽首和
南竊以法門不二理絕言忘應病隨機假名
相說雖復常居寂滅而廣示威儀不起道場
躬昇自在義談廣狹迹現淺深普是有識津
梁舍生舟楫論其汲引莫不方便爲先語其
提携無非譬喻爲本宅中童孺識三車而競

出傭賈窮子知糞穢之可除仰惟禪師居不
惻之位懷普洽之心道貫三空智階百法輒
欲奉屈宣揚法華一部展禽邵伯術小功微
尚復布政棠陰宣風柳下況復親承三點高
修六度必願俯就傾誠留心鑽仰漢皇白水
由昌大風桑井可嘉無容默已庶令貴賤上
碑十下咸識一乘大葉小枝等蒙慈潤幸使高源
鑿井速見洪泉醉卧惛迷還知昔寶輒述衆
十九情罔知陳具謹請開皇十三載八月十日
蔣山棲霞寺保恭請疏第一百

棲霞寺衆保恭等和南竊以瞻慕明德灰管
屢遷展觀以來炎涼甫隔伏餐至法用稟教
門定水滙而無涯詞峯高而不極至如止觀
方等之義龍樹馬鳴之文莫不殫其理窟究
其冲妙恭雖不敏少遊講席窺覩南北經論
法師三十餘年求其奧旨不悟觀諸法海寄
在餘生所與傾蠡猶欣飽腹然道安之遇澄
上人便稱北面慧永之逢遠上首即創東林
是知得奉勝人須安勝地者也恭雖疎薄竊
欽往彥但所居棲霞寺者宋代明徵君宅僧

紹之所建立也鐫山現像疏巖敞殿似若飛
來無慙踊出若其林泉爽麗房宇紫紵桂嶺
春芳雲窓畫歇自昔高行是用遊憩故寺衆
齊誠請延威德惟願傍觀曩哲爰降彼居依
經受用必垂納處所有園田基業具在別條

謹共開府士柳顧言證成斯誓庶金剛之城
與鷲嶺而長存法寶斯傳等難山而不滅謹
疏開皇十五年八月六日保恭等疏

祕書監柳顧言書第一百一

弟子柳正善具成就稽首和南暨和不審尊

體起居何如伏願禪法喜悅去歲經蒙一旨
至今保持奉賣十卷玄義徃仁壽宮服讀八
徧麤疑略盡細閱難除新治六卷并入文八
軸爲莊染未竟少日鑽研大王今遣使人蕭
通國參承書意自當仰簡頻被顧問奉答必
攀十
來伏願夏竟便待舟楫與此殘生盡心聽受
懺悔往日懈惰昏沉謹啓

吉藏法師書第一百二

凡三書

吉藏啓景上至奉旨伏慰下情薄熟不審尊
體何如伏願信後寢膳勝常誨授無乃上損

吉藏粗蒙隨衆拜覲未即伏增戀結願珍童
今遣智照還啓不宣謹啓
言藏啓景上至奉師慈旨不勝踊躍久願伏
膺甘露頂戴法橋吉藏自顧懦訥不堪指授
但佛曰將沉羣生眼滅若非大師弘忍何以
剋興伏願廣布慈雲啓發蒙滯吉藏謹當竭
愚奉稟誨誘窮此形命遠至來劫伏願大師
密垂加授夏亦竟即馳覲今行遣智照諮詢
謹啓

吉藏啓景上未至數日之間便爾感夢又景

上至已後仍復得夢一二智照口述景上尋
歸亦因委諮謹啓

吉藏法師請講法華經疏第一百三

吳州會稽縣嘉祥寺吉藏稽首和南伏聞山
號崔嵬道安登而說法峯名臣岫慧遠接以

安禪未若茲嶺宏麗接漢連霞濬鑿飛流衝
天灌日赤城丹水仙宅喚區佛隴香爐聖果
第十一
福地復經擅美孫賦稱奇智者棲憑二十餘
載禪慧門徒化流遐邇昔同壽英彥纔解通
經法淨俊神正傳禪業若非道參窮學德侔

補處豈能經論洞明定慧兼照至如周旦歿
後孔丘命世馬鳴化終龍樹繼後如內外不
墜信在人弘光顯大乘開發秘教千年之與
五百實復在於今日南嶽巒聖天台明哲昔
三業住持今二尊紹係豈止灑甘露於震旦
亦當振法鼓於天竺生知妙悟魏晉以來典
籍風謠實無連類釋迦教主童英發疑虛舍
法王善財訪道敢緣前迹諦想崇誠謹共禪
衆一百餘僧奉請智者大師演暢法華一部
此典衆聖之喉襟諸經之關鍵伏願開佛知

見耀此重昏示真實道朗教玄夜庶以三千
國土來稟未聞百劫後生奉遵大義築場戒
節松木將臨搖落山莊玄黃均野桂巖玉藥
菊岸華榮彌切聲聞之心頗傷緣覺之抱吉
藏仰謝前達俯愧詢求兢懼唯深但增戰悚

謹請開皇十七年八月二十一日

智者遺書與臨海鎮將解拔國述放生池第

一百四

貧道少懷靜志願屏囂塵微悟苦空得從閑
曠是以去西陝之舊里將領門徒遊懸天台

十有二載但此山溪接江源連亘海際漁捕
滬業交橫塞水然殘既多煮炙無算夭傷物
命有足悲者亦是公私去來頻遭沒溺以此
死亡不可稱數貧道不惟虛薄願言拯濟仍
率勵山僧貨衣資什物就土民孔玄達等買
茲滬業永作放生之池變此魚梁翻成法流

碑十

二十三

之水故臨海內史計尚兒敬法心重仍請講
說金光明經至流水品檀越羊公賀等聞斯
妙句咸捨滬業凡五十五所遂使水陸沾濡
人蟲荷澤蓋聞雨華滿室答長者之恩明珠

照夜報隋侯之德斯固植妙行於前修播芳
風於末代福不唐捐善無虛失仍以此事表
白前陳勑云此江若無烏賊珍味宜依所請
永爲福池國子祭酒徐孝克宿植德本才地
兼美聞斯積善請樹高碑冀此洪基與嶽同
固願茲勝業將日月俱全昔陳氏江東地不
過數千里猶若此慕善忘懷仰惟皇帝陛下
秉金輪而御八表握寶鏡以臨四民風雨順
時馬牛內向信以道高堯舜德邁軒羲加復
躬行十善等赤子於羣分自運四弘總下生

而普濟且不麌不郊著自外書救蟻救魚聞
之內典豈有富天下而愴惜一江源恩洽宇
內而獨隔數百里改蓮華之池興燒煮之業
使軍民恣其傷殺水族嬰其酸楚身首分離
骨肉糜潰以貧道意度皇帝之心豈其然乎
豈其然乎但晉王殿下道貫今古允文允武
二十二南未足比其功多材多藝兩獻無以齊其
德茂績振於山西英聲馳於江左管淮海之
地化吳會之民不以貧道不肖曲垂禮接躬
膺世範謬荷人師具述事源爰降符命在所

恭承莫敢違越假令別有嚴使的奉勅符毀
所樹之碑復民滬業者貧道即振錫披衣擔
笠躋履遠遊京輦詣闕上書殞首碎身以全
物命況今上旨總使江南收捕海族而江溪
山水不出海魚披省符文事不相涉特由在
斯苟欲是非毀壞放生興殘害業當今太平
之世路不拾遺若恣軍民收羅採捕則是奪
人現財公行劫盜若以至尊欲令軍民豐沃
不許放生者昔貧道西遊路經岳州刺史王
宣武仍結香火稟受大乘而彼地民不事農

桑專行殺捕之業學士曇捷請講遂即停留
一州五縣咸捨其業凡一千餘所以事表臺
降勅開許自是岳州頻降祥瑞使君宣武旌
賞倍常至尊神智高明有感皆應豈容爲軍
民口宋奪人善業縣尉此啓恐成僻見且江
溪狹小不及岳州一基之地又止有雜魚本
無海族至尊以晉王殿下有文武奇才故徧
加委任江南諸州事無大小皆由決判今若
不得注言王教不聽者則是非由於縣裁
斷不關晉王如此之言豈可聞於王耳且大

王親有符旨開許放生何容在所私行壅遏
貧道辭還幽谷有二因緣一爲大王功德治
葺舊寺二爲案行江溪修營福會共諸檀越
遠建菩提爰被存亡莊嚴永願一人有慶保
盤石之基使十千之魚恣相忘之樂貧道至

禁十

二十四

止已久頻荷優任供給資須人功影響每思
往彼未展來遊逖聽所聞頗傳惠化境有三
異之德民謡五袴之歌餐味高風誠深隨喜
但君臨稍畢旋返非賒唯希善始令終以全
嘉譽攀轅陞轍無媿昔賢貧道反覆九思徘徊

徇三省北方人士壽長有福豈非慈心少害
感此妙齡東海民庶多天殤漁獵所以短命
貧窶乃是世間現見可爲鑒誠者也今若斷
三歸之命養五陰之身斯則廢淨土之華業
起無邊之重過事既反常恐非養生之術餘
州鎮防不邊江海既處高原採捕無地未聞
亡身他境帶病還鄉豈復必須水族以資身
命直令採捕尚乃非宜況有毀他放生以給
軍士明府在鎮清嚴遠近稱歎一錢不納一
犧方留脣參養鵠卒獲寶珠孔渝放龜終佩

金印檀越若不逆晉王符旨不乖貧道之言
則是再灑法流奉宣帝道有德必酬無善不
報玉珮雕弓不求自至金印紫綬應念便來
第十一
今遣弟子普明賚舊事徃簡但明府總此邦
之務執一鎮之兵機有教必行如風靡草願
以貧道此書宣示百姓訓誨軍民使遵九言
二十五
之教無爲始禍改十惡之心永符元吉事爭
信人口具不復委陳沙門智顥白

吾祖智者大禪師實靈山再來之人也道傳
三觀悟自一心恢張龍猛正宗幽贊法華祕
典判釋以五時八教歸趣以三觀十乘縱辯
宣揚不立文字章安結集留逗後緣其如解
行證入之人不知其幾千萬衆諸部板刻布
在諸方唯國清百錄昨因魔火燔毀直至于
今彌歷年深所未諧圓就今令行者曇岑遍
求道俗不憚辛苦誠心不虛遂圓部帙庶得以
廣見聞傳諸永遠則可以知吾祖道大名
重皇臣化迹始終宛如目擊遂盡禮至恭敬

國清百錄卷第四

覽始末云爾時聖宋淳熙十二年歲次乙巳
結制日白蓮住山戒應謹題
國清百錄序

丹丘沙門有嚴述

夫事無鴻纖但有補於見聞使人警寤而趨
善道者則不可以不錄而貽諸後也昔我祖
智者禪師本靈山聖衆之一人也陳隋朝出
現世間代佛宣祕爲人天眼目六十餘州直
指人心具佛知見加修圓行則妙果不遠復
其所談教法外餘事委積章安尊者撮其可

錄者凡一百條以國清爲目天聖年中伏蒙
聖朝編入大藏旣緘以函帙故世人罕得而
見之禪師自開皇十七年丁巳入滅至紹聖
四年足五百歲明年春四明陳宗逸始謀鏤
版印行果冠冕法俗因得以讀之有以知禪

釋十

二十六

師釋部中豪傑之士也雖不得而見其面讀
其文亦得以見其心見心愈於見面也奉命

序述以冠首云

題百錄後序

智者道傳三觀存乎一家之書而德化兩朝

章安紀諸百錄觀其始立制法以肅內衆中形書疏以動王臣後論放生以安昆蟲之類昭昭乎廣大之化粲如日星所謂光宅天下者也章安序云貽示後昆知盛德之在茲固可信矣鏤板雖已印行而未經校勘因將古本對證且訛誤非一遂改證前後凡十餘處庶披覽之際無壅厥意見此題者可別訛正蘇州北禪無量壽院傳天台祖教沙門淨梵題智者大禪師年譜事跡梁武帝大同四年戊午禪師一歲父姓陳開

國俠荊州華容人母徐氏夢香雲并吞白鼠而孕生時神光滿室目有重瞳至七歲喜往伽藍僧口授普門品一遍其餘文句未聞者自能通達父母不許數往梁元帝承聖元年十五歲欲出家二親不聽乃刻檀像禮誦一日正拜佛時恍夢山臨大海僧居上招手梁敬帝紹泰元年十八歲二親服訖堅辭兄出家乃依湘州果願寺僧法緒爲師名智顥字德安陳高祖永定元年二十歲受具足戒依慧曠律師精通律藏而未受具前曾北面依

學方等陳文帝天禧元年二十三歲光州大蘇山依思禪師師認靈山同會示普賢道場二七日誦法華經寂然大悟陳廢帝光大元年三十歲辭師出金陵居瓦官寺八年講大論說次第禪門并法華玄義陳宣帝太建七年三十八歲入大台宣帝勅留不住初止石橋遷佛隴次年華頂降魔太建九年四十歲宣帝勅賜修禪寺太建十三年四十四歲講金光明經漁人捨篋梁立放生池次年永陽王請講陳少帝至德二年四十八歲奉詔出

金陵太極殿開大論講仁王經次年太子受戒至貞明元年五十歲於金陵光宅寺講法華經章安其時方年二十七歲始聽經文隋開皇九年五十二歲陳亡之荆感夢止匡山六年隋帝勅問五十四歲晉王請至揚十一月爲晉王受戒方號智者五十五歲得徃荆湘再經匡山度夏畢先至潭五十六歲至荊答地恩造玉泉寺章安奉蒙玄義五十七歲於玉泉寺講摩訶止觀五十八歲自荆下金陵受晉王請製淨名疏五十九歲春再還天

台次年冬晉王遣書虔召六十歲赴召至新昌石像前端坐入滅當開皇十七年十一月二十四日未時也自入滅至宋淳熙十二年乙巳得五百九十二歲矣

音釋

六十

二十八

永樂北藏

國清百錄

第一六七冊